


557.62

Biblioteka Jagiellońska



stdr0025495



9777.
Serice 15 kon. Flest. 101. 5. 23
S E R M O

AD ILLUSTRISSIMUM, EXCELLENTISSIMUM

&

REVERENDISSIMUM DOMINUM,

D. CASIMIRVM

à LUBNA

LUBIENSKI,

DE & Apostolicæ Sedis Gratiâ,

EPISCOPVM CHELMENSEM,

Sede Vacante Episcopatus Cracovien: & Ducatus Se-
verix, ac Abbatix Czerwenensis Perpetuum

ADMINISTRATOREM GENERALEM

In primo suâ ILLUSTRISSIMÆ, EXCELLENTIS-
SIMÆ, & REVERENDISSIMÆ Celsitudinis,
ad Suam CATHEDRAM CHELMENSEM ingressu.

A Perillustri & Reverendissimo Domino,

PAVLO, à Chotczá, CHOTECKI,

V. I. DOCTORE, ARCHIDIACONO, VICARIO in
Spiritualibus, & OFFICIALI Generali CHELMENSI,

CANONICO CATHEDRALI LUCEORIENSI, Garbovien: Bo-
brovnicen: &c. PRÆPOSITO, S. R. M. SECRETARIO,

H A B I T V S.

Anno Domini M. DCC. VI. Die 22^a Mensis Maii.

ZAMBICH TYPIS UNIVERSITATIS





Des pœraugustum Caput nostrum: adsumus & nos obsequentissima mēbra Tua, LLVSTRISIME, EXCELLENTISSIME, & REVERENDISSIME DOMINE, PASTOR, Benefactor Noster Munificentissime, Desideratissime. Adsumus, inquam, Membra TVA; nec enim Membra decet à CAPITE recedere: vt vnum plenumq; Corpus integrent. Verè CAPVT Nostrium es: nec Gentilitium tantum, sed & Pastoritiū. Verè & Nos Membra TVA sumus; & immediata quidē: Seqviturq; Caput, non tam passibus corporis, quàm potius fidelissimæ devotionis, & venerationis. Tanto negotio quòd Te præfecerit Polonia, altissimæ id ac divinæ prorsus, opus est prudentiæ: vt pote, qui tam secundus Consilij sis; vt etiam in Avito Stemmata CAPVT geras: ne Gentilitium quoq; Symbolum, absq; CAPITE esse volens. Bonum TIBI omen, Polonia, de bonæ mentis Capitolio. Olim cū illud, Romanæ non tam Majestatis domicilium, quàm superbiæ monumentum, surgeret Capitolium, Tulli CAPVT, in fundamentis, inter rudera repertum, Romam fore CAPVT Orbis, fausto signabat omine: quidni liceat augurari, etiam hoc, quod in TVO Insigni geris, CAPITE, inter colla-

collabentis jam Patriæ rudera in altum sublato, erectu-
ram CAPVT Poloniam?

Jam nova Sarmatica surgent Capitolia Genti.

Quæ CAPUT in Ceris possidet una TVIS.

Infirmum, vel maximè calamitoso hoc tempore;
Ecclesiæ Corpus, firmam sibi affore promittit ex TVO
Insigni sanitatem: firmissimo animatum Naturæ exem-
plo, à Capite in totum Corpus salutem derivantis. CA-
PVT TVVM Vivum Musæum, reconditoris Aurifodi-
na Sapientiæ; ex quo, tanquam ex secretiore Musarum
adyto, salubria incolumitati suæ Ecclesia & Respublica
depromit arcana: vt cum Pòëta dicere jure possim

Namq; TVVM meritò Bibliotheca CAPUT.

Quid dico cum Pòëta? imò cum Apostolo: illud (a)
Spiritus Sancti, per os illius prolatum de CHRISTO,
cujus Tu vices inter nos locumq; tenes, quidni TIBI
quadrare fatear oraculum: *Et ipsum dedit CAPUT*
supra omnem Ecclesiam, quæ est Corpus ejus. O aure-
um CAPVT TVVM! quod Tu quidem unus nunc ad
nos inclinas: sed cum eo simul tot Celsissimorum Capi-
tum Lumina infers; quot ex Stirpe Tua ILLVSTRIS-
SIMA, velut è Luminum Fonte, citra Pòëtarum fabu-
lam, Soles emergere. Infers, inquam, CELSISSIMOS
ac REVERENDISSIMOS, ARCHIEPISCOPOS, Pri-
mos PRINCIPES & PRIMATES Regni, EPISCO-
POS

POS Vladislavienses, Plocenses, Luceorientes, Premi-
slienses, Nostros Chelmeneses, Chiovientes. Inferi Se-
natores Supremos, Regni Thesaurarios, Praefectos, Ju-
dices, Militiae Magistros, Libertatis Amatores & Nu-
tritios, Patriae & Regni PATRES, ac Defensores, ali-
osque Summis Dignitatibus praefulgentes: qui Castra
Sagis, Senatum Togis, Ecclesias Cathedrales Tiaris, Ho-
noribus, liberalissimis Foundationibus, Reparationibus,
numerosis Sacrificijs, Psalterijs, Bibliothecis, alijsq; no-
bilissimis impleverunt monumentis. Loquatur Nostra
Cathedralis Ecclesia magnalia ILLVSTRISSIMI MA-
THIAE LVBIENSKI, Sponsi primò sui; postea successi
temporum ac meritorum Gnesnensis ARCHIEPISCO-
PI. Loquatur Clerus inferior Ecclesiae hujus, quanti-
fecit animabus suis. Premis & TV. PRÆSVL ILLV-
STRISSIME munificentiae Tuorum Vestigia Majorū.
dum in primo hoc Tuo felicissimo ingressu, spoliatae per
hostium rabiem Sponsae Tuae consultum iens; eandem
ad sacrificandum DEO hostiam laudis, tot Calicibus
pretiosis donasti, tot splendidis apparamentis exornasti.
Vtinam verò nobis Coelum, hoc tragico & calamitoso
rerum statu, plures ejusmodi depluat Viros! nondum
Ecclesiae sub tantis Atlantibus succumberent; non la-
basceret Pietas & Religio; adhuc vix spirans Respublica
vividior respiraret; desperans meliora speraret, & pla-
ne

nè jam mortua, vegetior resurgeret. Sant TIBI plurima ANTISTES REVERENDISSIME Domûs TVÆ Gentilitia Decora: sunt Pontificiæ Infulæ: voluere tamē Superi etiam Nostram sociari illis Chelmensem: non Te ornaturam, sed à Te ornandam; ut cui tantò plus à Tua persona accedit dignitatis, quantò Tu dignior. Voluere Manibus Tuis inferi Pastorale, Diœcesis nostræ, sub tot calamitatum pondere gemētis, Pedum: ut hoc suffulta Scipione, tantà sub mole ruēs, lætior assurgat. Vnde Cathedra & Diœcesis Nostra exultat tam Splendido sub CAPITE: ominata sibi, in his Reipubl: tenebris, dies candidos; sub tantæ Felicitatis Candidato. Debebit immortales Supremo omnium Pastorum Pastori gratias, pro tam Vigili ac Dignissimo Pastore. Talis enim decebat ut nobis esset PONTIFEX. ^b Talem Serenissimus voluit REX honorare. ^c Talem Summus in Orbe Pontifex præ alijs adamavit: oris sui præconio Antistitem Chelmensem promulgavit: diem jucundissimi ad Cathedram, aliaq; principaliora Diœcesis Tēpla, ingressus, sparsis, de thesauro Ecclesiæ, Plenariæ Indulgētiæ muneribus beavit, condecoravit. Et quærat jam aliquis:

Ante alios, quare hunc tanto dilexit amore?

Sed promptum dabit Pietas & Integritas pro suo Possessore responsum:

Quòd pius ante alios: integer ante alios.

Sed

Sed jam argumenti magnitudine opprimimur; laudūq;
materies & copia, inopes facit verborum. Patere igitur
PRÆSVL ILLVSTRISSE, TVÆ Vitæ heroicos a-
ctus, & Præfuleas prærogativas, pio ac debito silentio
à nobis celebrari. Nunc jam felici pede Cathedram
TVAM ingredere, Gratiarum corculum; Forma
gregis, Vita Cleri TVI: Consilium Reip: Senatūs ora-
culum, Mens Poloniae; Delicium Superum Deliciumq;
hominum; Famā super æthera notus; Gloria Lausq; So-
R. Dominus custodiat introitum TVVM: & exitum
TVVM (*) non nisi ad Supremos Honores: quibus
semper præluceat: Plus ultra. Addatur gratia CAPITI
TVO, & torques collo TVO. (°) Vive PONTIFEX:
sub TE Pastore canes in oves convertentur. (°) Tuumq;
Nomen si non exprimendo, saltem inhoando celebrare
conabuntur. Nonnullarum Nationum mos erat, vt
Episcopis suis ingressum gratulabundæ, duas ex literis
aureis offerrent voces: BONVS PASTOR: Et Nos, &
Nostra Dioecesis, confitemur, prædicamus, agnoscimus,
TE esse BONVM PASTOREM. Alexandro Severo
Imperatori circa solennem ejus Inaugurationem accla-
mabat populus Imperio subiectus: DII Te servant: DII
Te Nobis dederunt: Dij Te servant. Vive. TE diligi-
mus: TE Principem novimus. Imperator Nostræ Dioe-
cesis es, ANTISTES ILLVSTRISSE: paria fundimus

TIBI

TIBI Vota: DEVS TE seruet: DEVS TE Nobis dedit:
DEVS TE seruet. Viue. TE diligimus: TE Pastorem
novimus: TIBI humiles supplicamus: vt, ipsomet Aviti
Stemmatis TVI, Patria voce monente titulo, ILLV-
STRISIME POMIAN, nostrum recorderis.

